

Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. 10, 6. juni 2016-imeersoq.

(Aningaasarsiaqartitaanerup aallartiffia)

§ 1

Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaanni nr. 22, ulloq 18. december 2003-meersumi, ilaatigut inatsisartut inatsisaatigut nr. 2, ulloq 15. april 2011-meersukkut kingullermillu inatsisartut inatsisaatigut nr. 3, 3. juni 2015-imeersukkut allanngortinneqartumi, makku allanngortinneqassapput:

1. § 2, imm. 1, oqaaseqatigiit siulliit aappaallu, ima oqaasertaqassapput:

”Inatsisartunut ilaasorta qullormit qinerneqarfimminiit aningaasarsiaqartinneqalerlunilu aningaasartuuteqarnermut tapisiaqartinneqalissaaq. Ilaasortap allap toqunera Inatsisartunulluunniit ilaasortatut tunuavinnera pissutigalugu ilaasorta atuuilersimappat, ullormiit atuuilerfimmiit aatsaat aningaasarsiaqartitsisoqalissaaq.”


2. § 6, imm. 4, oqaaseqatigiit siulliit, ima oqaasertaqassapput:

”Inatsisartut Siulittaasuut, Naalakkersuisut Siulittaasuut Naalakkersuisunullu ilaasortat ullormit atuuilerfimminniit qaammatip taamatut atuukkunnaarfiup naanissaata tungaanut aningaasarsiaqartinneqassapput.”

§ 2

Inatsisartut inatsisaat ulloq 1. juli 2016 atuuilissaaq.

Namminersorlutik Oqartussat, 6. juni 2016.



Kim Kielsen